


AXENDA



Prezada comunidade:

Esta semana, avanzando no **modelo de transferencia e innovación** de ECOBAS, agardamos que sexa do voso interese a proposta que temos en axenda para que poidades tomar parte activa con ideas e achegas para a definición do catálogo de servizos da área. Entre outras novas e actualidade, saudamos a incorporación do **doutorando industrial** Diego García Sánchez ao noso equipo e asomámonos ao enfoque do persoal investigador en formación, de quen iremos coñecendo un pouquiño máis cada semana. Apertas!



>>> SEMINARIO DE INVESTIGACIÓN ECOBAS

"**A Two-Wave Death History: Fentanyl Overdoses in the US, Bullets in Mexico**" é o título do vindeiro seminario de investigación ECOBAS, onde se plantexa o vínculo entre a epidemia de fentanilo en EEUU partir de 2013 e unha segunda ola de violencia relacionada coas drogas en México. Os autores deste estudio argumentan que a demanda de fentanilo en EEUU levou a algunas organizacións narcotraficantes a reoptimizar os seus roteiros de tráfico, provocando novos confrontamentos e violencia. Estiman que o fentanilo causou entre 15 e 20 homicidios adicionais por cada 100,000 habitantes.

- Data: venres **19/01/24 ás 13:00 h**
- Asistencia: **ONLINE**

WORKSHOP: CATÁLOGO DE TRANSFERENCIA ECOBAS <<<

Animámosvos a participar na vindeira **sesión de traballo exclusiva para o persoal investigador permanente do Centro**:

- Data: Luns, **22 de xaneiro 2024**
- Horario: de **9:30 a 11:00 h**
- Destinatarios: persoal investigador permanente de ECOBAS
- **ONLINE**: credenciais de acceso vía correo-e (comunicacion@ecobas.gal)
- **Presencial**: Facultade de CC. Económicas e Empresariais da USC - Aula 20 (Campus Norte - Santiago de Compostela)
- Relatoras: Adela García-Arancil, investigadora do CSIC e Noelia Rodríguez, managing director The Beta Factor



AXENDA



FORO DE INTERCAMBIO DE CONOCIMIENTO
SOBRE RESIDUOS Y ECONOMÍA CIRCULAR

>>> SEMINARIO FIREC ABERTO A MEMBROS ECOBAS

O Foro de Intercambio de Coñecemento sobre Residuos e Economía Circular (FIREC), que dirixe J. José Pernas celebra o vindeiro 25 de febreiro o seminario "**Estudo de xestión de residuos municipais da AIREF. Presentación de conclusións**". Esta sesión, exclusiva para membros do FIREC, **abrirase á participación das persoas investigadoras membros de ECOBAS**.

- Data: xoves **25/01/24 de 16:30 a 18:00 h**
- Relator: Domingo Pérez Ximénez, representante da Autoridad Independiente de Responsabilidad Fiscal.
- [Enlace ao estudo](#)
- [Xestión de inscricións](#): para participar ONLINE nesta sesión, as persoas membro de ECOBAS que o desexen deben remitir directamente correo a itziar.sobrino@udc.es

XORNADA: O PAPEL DAS COMUNIDADES ENERXÉTICAS



LOCAIS NO PROCESO DE TRANSICIÓN ENERXÉTICA

A nosa compañeira María Celia López Penabad co-dirixe este encontro no que participarán expertos de toda España para abordar a transición enerxética no ámbito local, contando coa contribución da Fundación Democracia y Gobierno Local, a USC e a Red Empresa y Administración. Ademais de Celia, outras persoas membro de ECOBAS tomarán parte na xornada:

- Luis Otero moderará a mesa sobre "O impacto económico, social e ambiental das comunidades enerxéticas"
- Ana Iglesias moderará a mesa sobre "A dimensión técnica das comunidades enerxéticas locais"
- María Loureiro forma parte do comité científico do encontro.



El papel de las comunidades energéticas locales en el proceso de transición energética

Facultad de Derecho (Sala de Profesores)
Universidade de Santiago de Compostela
Avda. Dr. Ángel Echeverri, s/n
15782 Santiago de Compostela
25 de enero de 2024



- Data: xoves **25 de xaneiro 2024**
- Horario: **de 9:30 a 13:30 h e de 15:30 a 18:00h**
- **Encontro presencial**: Facultade de Dereito da USC - (Avda. Dr. Ángel Echeverri, s/n - Santiago de Compostela)

EQUIPO



>>> DOUTORAMENTO INDUSTRIAL NO EIDO DA SAÚDE MENTAL

Diego García Sánchez, alumno do Programa Interuniversitario de Doutoramento en Análise Económica e Estratexia Empresarial no que participa ECOBAS, asinou nos últimos días do 2023 o contrato laboral formativo para o desenvolvemento da súa tese de doutoramento na contorna empresarial. A Consellería de Economía, Industria e Innovación concede estas axudas para a realización de proxectos de investigación que impliquen unha colaboración efectiva entre unha empresa ou centro de innovación e tecnoloxía (solicitante), e unha universidade do SUG, por un período máximo de 3 anos (Orde do 30 de xuño do 2023, DOG Nº 155).

Graduado en Psicoloxía, Diego cursou o Mestrado en Técnicas Estatísticas e estivo adscrito ao Dpto. de Estatística e Investigación Operativa da UVigo durante un ano a través do programa INVESTIGO. Nesta etapa que agora comeza, traballará coa empresa Mentiness. Con Ernesto López Valeiras como director de tese, Diego adquiere a condición de investigador en formación de ECOBAS e levará adiante o estudio do **posicionamento da saúde mental como área estratégica para a empresa**: monitorización e análise de datos a validación científica da escala e para a intervención en aspectos como a productividade, a xestión e retención do talento ou o clima laboral. Nas súas palabras, esta orientación da súa investigación é algo que "me gusta, me interesa e sobre todo, creo que contribúe á sociedade". Benvido Diego, e moitos parabéns!!

INVESTIGADORES FPI <<<

Nahuel I. Depino Besada é un dos investigadores predoutoriais que participan no proxecto "Fundamentos Micro e Macro das Respostas Organizativas aos Grandes Retos", financiado polo Ministerio de Ciencia e Innovación. Centra o seu traballo actual no **rol da folgura organizativa ("organizational slack")**, o colchón de recursos que teñen as organizacións para adaptarse aos cambios e aproveitar as oportunidades. Dalgún xeito cuestiona a mensaxe tradicional centrada na necesidade de maximizar a eficiencia.



Nahuel estuda como a folgura organizativa inflúe no desenvolvemento sostible e a Industria 4.0, tanto a nivel micro (interno) como macro (externo). A mostra de empresas sobre a que está a traballar inclúe distintos sectores e tamaños, así como ubicacións en diferentes países e rexións, con diferentes niveis de desenvolvemento económico, social e ambiental. Cunha formación académica en Ciencia Política, Relacións Internacionais e Empresa, Nahuel aporta unha visión multidisciplinar para comprender como as organizacións poden responder aos grandes retos globais. Os seus resultados preliminares indican que a folgura organizativa ten un efecto positivo no desenvolvemento sostible e a Industria 4.0, pero que este efecto varía segundo o tipo de organización e o contexto institucional.

ACTUALIDADE / CONVOCATORIAS ABERTAS



APROBADO DE XEITO DEFINITIVO O DECRETO QUE REGULA A CARREIRA INVESTIGADORA NA ADMINISTRACIÓN GALEGA

Trala reunión do Consello da Xunta celebrada o pasado xoves 11/01/24, Galicia convértese na primeira Comunidade de España en regular a carreira profesional de todo o persoal de investigación que depende da Administración autonómica e dos seus organismos. Podes coñecer as principais claves do novo marco xurídico e administrativo [neste resumo elaborado pola Axencia Galega de Innovación](#).

AXUDAS SALVADOR DE MADARIAGA 2024

- Destinatarios: persoas que estando en posesión do título de licenciado, grao e mestrado en materias xurídicas, económico-empresariais, político-sociolóxicas ou de humanidades, queiran realizar o doutoramento no Instituto Universitario Europeo de florencia, nalgún deses eidos.
- Número: **12 axudas** para **contratos predoutorais** por periodo **máximo de 4 anos**.
- Prazo de solicitudes: **ata o 31/01/24**
- [Accede aquí aos detalles da convocatoria](#)



PROXECTOS DE XENERACIÓN DE COÑECIMENTO 2023

- Obxecto: financiar a realización de **proxectos de investigación dirixidos tanto a fomentar a xeneración e o avance significativo do coñecemento científico** e a investigación de calidade contrastada como a **avanzar cara a búsqueda de soluciones aos desafíos da sociedade**. Asimesmo, se poderán financiar actuacións encamiñadas á **formación de persoal investigador predoutoral** mediante a realización dunha tese doutoral asociada aos proxectos de investigación mencionados.
- Prazo único de presentación de solicitudes: **ata o 30/01/24 ás 14:00 horas** (CET)
- [Preme neste enlace para consultar a información completa da convocatoria](#)

PROXECTOS EN COLABORACIÓN PÚBLICO-PRIVADA 2023

- Obxecto: apoio a proxectos de desenvolvemento experimental en cooperación entre empresas e organismos de investigación, co fin de promover o desenvolvemento de novas tecnoloxías, a aplicación empresarial de novas ideas e técnicas, e contribuir á creación de novos produtos e servizos.
- Prazo: **ata o 20/02/24**
- [Preme neste enlace para consultar a información completa da convocatoria](#)

OPEN CALLS

Continúan abertas as
chamadas para...



10th International
Degrowth Conference and
15th Conference of the European Society
for Ecological Economics



XI Conference of the Spanish-Portuguese
Association of Natural and Environmental
Resource Economics (AERNA)



4th - 6th September, 2024

Nova School of Business and Economics, Carcavelos, Portugal

XI AERNA CONFERENCE

A Asociación hispano-portuguesa de Economía dos Recursos Naturais e Ambientais (AERNA) celebra a súa XI Conferencia do 4 ao 6 de setembro do 2024 en Carcabelos (Portugal) e ten aberta a chamada para o envío de traballos sobre asuntos relevantes no seu eido:


Baixo o título Science, technology and innovation beyond growth: cultivating collective creativity for a sustainable future, a cidade de Pontevedra acollerá do 18 ao 21 de xuño deste 2024 a 10th International Degrowth Conference e a 15th Conference of the European Society for Ecological Economics, cita esta última de carácter bianual. Ampliado o prazo para a entrega de propostas:

- Nova data límite: **19/01/24**
- [Call for abstracts](#)
- [Click aquí para rexistro e/ou presentación de propostas](#)
- Organiza: [Post Growth Innovation Lab](#)

TECNOLOGÍAS PARA O BEN COMÚN

Convocatoria para o financiamento de **proyectos** de investigación en **tecnologías para o desenvolvemento humano (TpDH)**.

- Data límite: **21/01/24**



>>> DIGITAL MEDIA DATA IN ENVIRONMENT AND DEVELOPMENT ECONOMICS

A revista [Environment and Development Economics](#) ten aberta a súa chamada para un número especial sobre datos en medios dixitais da economía ambiental e do desenvolvemento.

- Data límite: **31/01/24**
- Publica: Cambridge University Press, en colaboración co Beijer Institute of Ecological Economics e a Royal Swedish Academy of Sciences

PREMIOS DE INVESTIGACIÓN ERNESTO VIÉITEZ CORTIZO

A Real Academia Galega de Ciencias (RACG) convoca a trixésimo terceira edición dos Premios de Investigación Ernesto Viéitez Cortizo para "recoñecer a investigación de maior nivel desenvolto en Galicia".



- Destinatarios: persoas investigadoras que presenten un traballo realizado total ou parcialmente en universidades e centros de investigación de Galicia.
- Dotación: **6.000 €**
- Prazo presentación candidaturas: **15/02/24**



RAGC/
REAL ACADEMIA
GALEGA DE CIENCIAS

>>> NEWSLETTER

COMUNICACIÓN CIENTÍFICA



>>> VIII CONCURSO DE PITCHES DE INVESTIGACIÓN 2024 ➡

Este concurso do Grupo Compostela de Universidades premiará aqueles *pitches de investigación* que mellor cheguen a un público xeralista e transmitan a relevancia do proxecto no que se está a traballar, así como a súa contribución á sociedade.

Destinatarios: persoal investigador das universidades socias do GCU que acredite unha das seguintes condicións

- Estar integrado nun grupo de investigación dunha universidade socia do GCU.
- Estar matriculado nun programa de doutoramento dunha universidade socia do GCU.
- Ser beneficiario dunha bolsa de investigación concedida por unha universidade socia do GCU durante a presente edición.

Premios (suxeitos a retención fiscal):

- 1º premio: 1.000 euros brutos.
- 2º premio: 600 euros brutos.
- 3º premio: 300 euros brutos.

Prazo presentación candidaturas:

ata o **29 de febreiro de 2024** ás **12:00 h** (CET)

[Accede aquí ás bases da convocatoria](#)



>>> MONÓLOGOS CIENTÍFICOS ➡

Continúa aberto o prazo para presentar o teu monólogo científico ao certame **Sólo de Ciencia (SdC)** organizado pola Fundación Española para a Ciencia e a Tecnoloxía (FECYT).

Se tes alma de monologuista ou che apetece probar a mergullarte nunha experiencia nova diante da cámara, consulta aquí as normas de participación.

- Prazo presentación de vídeos ao certame:
31/01/24 ás 13:00 h

ÚNETE Á COMUNIDADE ECOBAS <<<

Aínda non nos segues nas redes sociais? Únete a nós e non perdas nada do que acontece na nosa comunidade. Agardámose!!



www.ecobas.gal

